

*Handwritten signature and initials in blue ink.*

ՀԱՏՈՒԿ ԿԱՐԾԻՔ

Զարեհ ՅԱԿԱՆ ՀԱՄԱՅՆՔԻ ԱՎԱԳԱՆՈՒ 2024 ԹՎԱԿԱՆԻ ԴԵԿՏԵՄԲԵՐԻ 20-Ի ԹԻՎ 5 ՀԵՐԹԱԿԱՆ  
ԼՒՍՏՈՒՄ ԶՆՆԱՐԿՎԱԾ ԵՎ ՀԱՄԱՅՆՔԻ ԱՎԱԳԱՆՈՒ ԿՈՂՄԻՑ ՀԱՍՏԱՏՍԱԿԱԾ ՈՐՈՇՈՒՄՆԵՐԻ  
ՎԵՐԱԲԵՐՅԱԼ

Մեր խմբակցությանը Չարեհ Յականի համայնքի 2025 թվականի բյուջեի նախագիծը  
էլեկտրոնային տարբերակով տրամադրվել է սույն թվականի դեկտեմբերի 12-ին :

Նախագծին կից բյուջետային ուղերձը ամբողջությամբ չի համապատասխանում << ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ԲՅՈՒՋԵՏԱՅԻՆ ՀԱՄԱԿԱՐԳԻ ՄԱՍԻՆ >> օրենքի 31-րդ հոդվածի 7-րդ կետի  
բ, գ, դ, ե, զ, է, ը, և 8-րդ կետի ա և բ ենթակետերով սահմանված պահանջներին մասնավորապես

7. Համայնքի ղեկավարի բյուջետային ուղերձը ներառում է՝

ա) (կետն ուժը կորցրել է 11.04.03 20-541-Ն)

բ) համայնքի ղեկավարի զեկույցը բյուջետային տարվա համայնքի զարգացման հիմնական  
ուղղությունների մասին,

գ) համայնքի բյուջեի նախագծով նախատեսված եկամուտների և ծախսերի հիմնավորումը,  
եկամուտների և ծախսերի, ինչպես նաև դեֆիցիտի (պակասուրդի) կամ հավելուրդի  
հիմնավորումը, ինչպես նաև այդ ցուցանիշների համեմատական վերլուծությունը նախորդ  
տարվա բյուջեի փաստացի, ընթացիկ բյուջետային տարվա հաստատված և հաշվարկային  
ցուցանիշների հետ,

դ) համայնքի բյուջեից ֆինանսավորվող նպատակային ծրագրերի կատարման համար  
պահանջվող գումարների և առաջարկվող հատկացումների հիմնավորումը, որը ներառում է  
ծրագրի՝

- իրավական հիմքը,
- բովանդակությունը,
- խնդիրները և նպատակները,
- կատարման փուլերը և ժամկետները.

ե) պարտքերի կառուցվածքը, դրանց համեմատական վերլուծությունը նախորդ բյուջետային  
տարվա փաստացի և ընթացիկ բյուջետային տարվա հաշվարկային համապատասխան  
ցուցանիշների հետ,

զ) բյուջեի վարչական և ֆոնդային մասերի պահուստային ֆոնդի ձևավորման համար  
առաջարկվող հատկացումների հիմնավորումը.

է) սույն օրենքի 21-րդ հոդվածի 5-րդ մասին համապատասխան ստացված տեղեկությունները  
պետական բյուջեի նախագծում (եթե համայնքի բյուջեի մասին ավագանու որոշման նախագիծն  
ավագանու քննարկմանը ներկայացվում է մինչև առաջիկա տարվա պետական բյուջեի մասին  
օրենքի ընդունումը) կամ պետական բյուջեի մասին օրենքում պետական բյուջեից համայնքի  
բյուջեին նախատեսված հատկացումների մասին.

ը) հաջորդ բյուջետային տարում սպասվելիք դրամական և նյութական օգնություններից,  
նվիրատվություններից և այլ մուտքերից գոյացող միջոցներից կատարվող հատկացումների  
հիմնավորումը.

թ) տեղեկություններ՝ համայնքի բյուջեի միջոցների հաշվին պահպանվող բյուջետային  
հիմնարկների հաստիքների միջին տարեկան ցուցակային ընդհանուր թվաքանակի,  
աշխատավարձի ֆոնդի մասին և այդ ցուցանիշների համեմատական վերլուծությունը նախորդ  
բյուջետային տարվա և ընթացիկ բյուջետային տարվա հաշվարկային համապատասխան



ցուցանիշների հետ, ինչպես նաև տեղեկություններ փաստացի աշխատողների (գրադեցրած հաստիքների) միջին տարեկան ցուցակային թվաքանակի մասին.

ժ) այլ տեղեկություններ, որոնք համայնքի ղեկավարն անհրաժեշտ է համարում համայնքի բյուջեի մասին ավագանու որոշման նախագծի հիմնավորման համար:

8. Համայնքի բյուջեի մասին ավագանու որոշման նախագիծը ներառում է՝

ա) համայնքի բյուջեի եկամուտները և ծախսերը՝ ըստ բյուջեի բաղկացուցիչ մասերի՝ սույն օրենքով սահմանված դասակարգմամբ (բացառությամբ բյուջետային ծախսերի տարածքային դասակարգման),

բ) համայնքի բյուջեի դեֆիցիտը (պակասուրդը) կամ հավելուրդը և դեֆիցիտի (պակասուրդի) ֆինանսավորման աղբյուրները կամ հավելուրդի օգտագործման ուղղությունները՝ սույն օրենքով սահմանված դասակարգմամբ,

գ) այլ դրույթներ և ցուցանիշներ, որոնք համայնքի ղեկավարը և ավագանին անհրաժեշտ են համարում համայնքի բյուջեի կատարումը և դրա նկատմամբ վերահսկողությունն ապահովել

Ֆինանսաբյուջետային և տնտեսական հարցերի մշտական հանձնաժողովի նիստի ժամանակ ՔՊ խմբակցության ավագանու անդամ Ն.Վարդանյանը հարց բարձրացրեց մատնանշելով վերը նշված օրենքի համապատասխան հոդվածը, պատճառաբանեցին, որ հաջորդ իսկ օրը կտրամադրեն համապատասխան հիմնավորումներով օրենքի պահանջներին համապատասխան, սակայն այդպես էլ չի տրամադրվել:

Ավագանու նիստի ժամանակ ՔՊ խմբակցության ղեկավար Ա.Գալստյանը և քարտուղար Ն.Բարայանը հարց բարձրացրեցին աշխատավարձի ֆոնդի շուրջ 40000.0հազ. ՀՀ դրամի չափով անհամապատասխանության մասին, պարզաբանեցին, որ տրվում է նաև 13-րդ աշխատավարձ, ընդունենք, որ տրվում է, որը կկազմի մոտավորապես 20000.0հազ ՀՀ դրամ և 20000.0հազ. ՀՀ դրամի վերաբերյալ, որևէ կոնկրետ հիմնավորում չկար:

Խախտվել է ՀՀ Տեղական ինքնակառավարման մասին>> օրենքի 33-րդ հոդվածի 4-րդ կետի 1-ին նկարագրի պահանջը՝ ավագանու նիստի արձանագրությունում բացակայում է ՔՊ խմբակցության ավագանու անդամների կողմից կատարված հարցադրումները և աշխատակազմի աշխատակիցների կողմից տրված մեկնաբանությունները կամ պատասխանները:

ԱՎԱԳԱՆՈՒ ՔՊ ԽՄԲԱԿՑՈՒԹՅԱՆ ԱՆԴԱՄ

Ա.ԳԱՍՏՅԱՆ